

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Illvstrivm Virorum Epistolae, Hebraicae, Graecae et Latinae, Ad Ioannem Reuchlin Phorcensem virum nostra aetate doctissimum diuersis temporibus missae**

**Reuchlin, Johannes**

**Hagenoae, 1519**

Adam Frei Phorcensis, cantor ecclesiae collegiate cancellariusque  
Badensis S. D. Ioanni Reuchlin LL. doctori

[urn:nbn:de:bsz:31-270838](https://nbn-resolving.org/urn:nbn:de:bsz:31-270838)

EPIS. ILLVST. VIRORVM AD

σφδρ ἀνδρῶν σφδρ ἀσ γνώμας. Vides qua sim imitatione in formandis his characteribus usus, facileque cognoscis, quam sit græcarum litterarum ignarus, qui eas nunquam ne in minimo quidem didicisse uideatur. Vale, anno M. CCCC. lxxxviii.

Adam Frei Phorcensis, Cantor ecclesiæ collegiatae  
Cancellariusque Badensis S. D. Ioanni  
Reuchlin LL. Doctori.

**L**iteras proxime ad me datas, eximie Doctor, fraterque obseruissime, & si aliquatulum me quum in suscipiendo Badensis Cancellariæ officio meum statum clericalem pluribus, ut ais, commiscuerim secularibus negociis increpent, tamen mihi iucundissimas fuisse certo scias uelim, cum quæ in causarum Sturgardiensis consistorii strepitu, mei memoriam habueris, tum quæ meis in laboribus diuina ne negligant hortatus sis, quod non ab infido ac parû prudenti, sed ex fideli longeque in futurum prospiciete aîo produisse plane accipio, agoque tibi gratias utinam dignas, Sed hoc unum, mihi credas, uelim, si ea in te illis principis domini que mei clementissimi uoluntati mea potuisset optio mediis cõgruis restituisse, tuæ literæ nihil loci corripiendi mei reperissent. Nam qui me eum honorem, uel laborem potius aut si mauius commodum quod inde sit ambiuisse uere dicat, uiuit omnium nemo. Nihil enim aliud hæctenus cupiui, & ad huc cupio, quæ eam agere uitam quæ beneficiatum deceat. Verû hac in re longe aliter meo iudicio sentio quæ plures comitis Wuirtembergensis curiales in sacris constituti (quod pace eorum ad te scribo) præ se ferunt, a quibus inuehendi aduersum me non arbitror te sumpsisse exemplar. Sed digito compeasco labellum, ne alios arguendo uidear meipsum reprehendere, quando quidem officium calami susceperim. At suscepi, non eo tamen animo (certiorem te reddo) quo tu putas ut perpetuo scribam, sed ut aliquandiu alterius uices geram. Et pro beneficiis mihi a præfato illustri principe collatis gratias, si quas potero referam. Reliquum est ut officio atque opera mea & si parui precii sint, pro tua uoluntate utaris. Vale xii. Calend. Martias. Anno M. CCCC. lxxx nono.

Erhardus de Vuindsberg Doctor & Miles, Ioanni  
Reuchlin Phorcensi S. D.